

*De Mysterio Conceptionis innoxie non definiendo Scriptoris  
anonymi animadversio, quam superiore Dissertatione  
rejecit R. P. Joannes de Luca Venetus ex Ordine  
Minorum S. Francisci Theologus.*

An sit necessarium, & expediens, quod definitur ex Cathedra  
Mysterium Conceptionis Beatæ Mariæ Virginis.

I. **E**dito clandestinis typis supplici libello congruo tempore præsentando Sanctissimo Domino Nostro Clementi XII., in quo enixe peritur, ut tandem aliquando Sancta Sedes deveniat ad definitionem ex Cathedra Mysterii Conceptionis B. Mariæ Virginis Immaculatae; multa serio præponderanda sunt, ne in re tanti momenti, præcipitanter agatur, sed summa maturitate, sicuti decet gravitatem negotii. Venerando igitur Mysterium, quod sancte, pie, & religiose venerandum proponitur; sistendum existimatur in examine dubii, *an sit necessarium, & expediens, quod supplices preces exaudiantur.*

Ut rem ex suis principiis agamus, duo sunt præmittenda; unum, notitia Pontificiarum Constitutionum hactenus super hoc Mysterio emanatarum; alterum, brevis historia Mysteriorum Virginis, quorum solemnia celebramus. Sic diconfetur, in quo gradu certitudinis Mysteria sstant, & in illo quæ certo, quæ de fide credenda sunt.

II. Primus ex Pontificibus, qui de Mysterio Conceptionis Constitutiones edidit, fuit Sextus Quartus, qui in decreto, quod edidit Kalendis Martii anno 1476., & incipit, *Cum præexcelsa*, instituit Festum Conceptionis Immaculatae Virginis Mariæ; & in alio, quod incipit, *Grave nimis*, edito pridie Nonas Septembbris anno 1483. prohibet sub poena excommunicationis, ne quis crimen hæreseos impingat negligentibus Immaculatam B. Virginis Conceptionem: quæ de cœtra fuere confirmata a Sacrosancto Concilio Tridentino, quod in fine sessionis quintæ, in qua definit doctrinam de originali peccato, suam mentem sic explicat: *Declarat tamen hoc ipsa Sancta Synodus, non esse sue intentionis com-*